

**ZAPISNIK SA 24. SJEDNICE UO-a SAMOSTALNOG SINDIKATA RADNIKA u BHRT-u,
održane 29.11. 2016. godine**

Prisutni: D. Smital; E. Čengić; N. Žuga; E. Fočo; Dž. Kahrica; M. Grbo; D. Miljević;
B.Hamzagić; M. Baručija; G. Brkić; T. Maličbegović

Odsutni: N. Čordalija; O. Bukić; N. Arnautović, N. Hodžić; M. K. Pašalić; - **opravdano**
S. Topalić; - **neopravdano**

Dnevni red:

1. Usvajanje zapisnika sa 23. sjednice UO SSR u BHRT-u
2. Aktuelna situacija u BHRT-u
 - reprezentativnost sindikata / informacija
 - dopis Sindikata / reforme zdravstvenog sistema
 - sigurnost vozila na terenu / E. Čengić
 - izvještaj sa konferencije BH novinari / D. Smital
3. Poslovnik o radu UO Sindikata / D. Smital i N. Žuga
4. Blagajnički izvještaj za oktobar 2016
5. Izvjestaj i specifikacija BSO za oktobar 2016
6. Dodjela pomoći
7. Razno.
 - penzioneri / Dž. Kahrica

AD 1 D. Smital je pročitao predloženi dnevni red, koji je jednoglasno usvojen, kao i zapisnik sa 23. sjednice UO SSR u BHRT-u.

AD 2 Rukovodstvo je informisalo prisutne o razgovoru sa generalnim direktorom koji je održan 24.11.2016.godine. Generalni direktor je informisao Sindikat da se čeka priliv sredstava od M-tel-a, kako bi se isplatila plata za 10. mjesec. Što se tiče uplate doprinosa, menadžment razmatra mogućnost dogovora sa poreskom upravom o uplati zaostalih doprinosa na odgođeno plaćanje.

Menadžment priprema prijedlog Odluke o minimalnom procesu rada za vrijeme štrajka, koja će se dostaviti Sindikatu. Na osnovu novog Zakona o štrajku u institucijama BiH, potrebno je da BHRT izradi prijedlog odluke, koju dostavlja na saglasnost reprezentativnom sindikatu, a onda se takav prijedlog odluke dostavlja Vijeću ministara, koje donosi odluku.

Rukovodstvo Sindikata je tražilo informaciju da li će biti realizovana zimnica za radnike BHRT-a, a generalni direktora je odgovorio da će najvjerojatnije biti realizovana na isti način kao i prošle godine.

Nakon duže rasprave, UO Sindikata je jednoglasno usvojio slijedeće zaključke:

1. UO SSR u BHRT-u će se nalaziti u stalnom zasjedanju.
2. Od menadžmenta će se tražiti da se obnovi kampanja za naplatu RTV takse, kao i da se u programima BHRT-a, aktualizira tema rješavanja stabilnog finansiranja BHRT-a.
3. Potrebno je krenuti u pripremu protesta pred PS BiH ukoliko se u kratkom roku ne riješi pitanje finansiranja BHRT-a. Uz to je potrebno kontaktirati sve sindikate kako bi dali podršku SSR u BHRT-u u tom protestu.

E. Čengić je informisao prisutne da je Ministarstvo pravde Bosne i Hercegovine dana 15.09.2016.godine zaprimilo rješenje Vijeća ministara Bosne i Hercegovine o potvrđivanju Samostalnog sindikata radnika u BHRT-u kao REPREZENTATIVNOG SINDIKATA u Radio-televiziji Bosne i Hercegovine VM Broj:193/16 od 01.08.2016.godine, koje je dostavljeno SSR u BHRT-u.

Rješenje će se objaviti na web stranici Sindikata i oglasnoj ploči.

D,Smital je informisao UO da je pravni zastupnik Sindikata g-din Elmin Plećan dostavio predračun za obavljene poslove oko reprezentativnosti i ostalih poslova za sindikat koji iznose 401,90KM. Predračun advokata je primljen k znanju.

07/11/2016 Povodom najavljene reforme zdravstvenog sistema u KS, kao i javne rasprave o tome, koja je trenutno u toku, Samostalni sindikat radnika u BHRT-u je uputio reakciju i mišljenje Premijeru KS g-dinu Elmedinu Konakoviću, Ministrici zdravlja KS g-đi Zilhi Ademaj, generalnom direktoru BHRT-a g-dinu Belminu Karamehmedoviću. Od ministrice zdravlja KS je dostavljen odgovor Sindikatu u kojem se između ostalog kaže: “Ministarstvo zdravstva KS će riješiti sva sporna pitanja oko Zavoda (Zavod za zdravstvenu zaštitu radnika u saobraćaju), u dogovoru sa osnivačem, odnosno JP Željeznice Federacije FBiH, o čemu ćete biti blagovremeno informisani.”

UO Sindikata je, na prijedlog E.Čengića, jednoglasno donio zaključak da se traži od menadžmenta donošenje odluke koja bi osigurala sigurnosti vozila i radnika BHRT-a. Navedena odluka bi trebala sadržavati slijedeće:

-Da se imenuje jedna odgovorna osoba, koja je dužna obezbijediti adekvatnu tehničku ispravnost i sigurnost svakog vozila BHRT-a.

-Da odgovorna osoba treba obaviti dnevni preventivni tehnički pregled tj.pregled onih dijelova vozila koji su ključni za sigurno sudjelovanje vozila u prometu na cestama.

-Da odgovorna osoba ima obavezu da povuče vozilo iz prometa ukoliko se ustanovi tehnička neispravnost vozila.

Dž.Kahrica je informisao članove UO o dopisu koji je primio od rukovodioca Odjela Transporta gospodina Šefika Husića i isti je pročitao. Također je prisutnima pročitao i odgovor rukovodstva SSR u BHRT-u gospodinu Husiću na njegov dopis, koji je Upravni Odbor primio k znanju bez ijedne primjedbe.

16/11/2016 Asocijacija za demokratske inicijative (ADI), Udruženje BH novinari i Vijeće za štampu u BiH su uputili poziv Sindikatu na Training „Zločin iz mržnje i govor mržnje“ u Hotelu Bristol u Mostaru. Sindikat je predstavljala koleginica Ivana Vidmar iz Mostara.

19/11/2016 Predsjednik sindikata Damir Smital prisustvovao konferenciji koju je organizovalo udruženje BH novinari. Na konferenciji je predstavljen projekat „Mediji i javni ugled“ koji bi se trebao baviti transparentnošću vlasništva medija i oglašavanja u BiH. Projekat je počeo u junu ove godine, trajaoće 30 mjeseci i za njega će biti utrošena sredstva od 250.000 eura. Damir Smital je uzeo aktivno učešće u raspravi.

22/11/2016 Povodom saopštenja za javnost Upravnog odbora BHRT-a u kojem se ističe, prije svega, veoma teška finansijska situacija u BHRT-u, rukovodstvo Samostalnog sindikata radnika u BHRT-u je pripremilo saopštenje u kojem se zahtjeva hitan ulazak državnih organa revizije u sva tri javna emitera, ali i hitno usvajanje izmjena zakona o Javnom RTV Sistemu kako bi se odebijedilo stabilno finansiranje BHRT-a. Također postavljeno je pitanje zašto nije održana sjednica UO BHRT-a u oktobru, obzirom na činjenicu da je BHRT u veoma teškoj situaciji.

AD 3 Razmatran je prijedlog Poslovnika o radu SSR u BHRT-u, te nakon izmjena i dopuna isti je jednoglasno usvojen.

AD 4 Blagajnički izvještaj za mjesec oktobar je primljen k znanju.

AD 5 Izvještaj N.Žuge o BSO osiguranju je primljen k znanju.

AD 6 Na prijedlog komisije za dodjelu finansijske pomoći podijeljena je novčana pomoć za sljedeće članove; Adisa Dedić Kološ – 500; Svjetlana Vučetić – 400; Čamila Zeba – 400 i Sehija Huko – 200. Ukupno 1500 KM.

Ovaj prijedlog komisije je jednoglasno usvojen.

Na osnovu člana 8. Pravilnika o dodjeli materijalne i finansijske pomoći članovima sindikata, komisija je odbacila zahtjeve A.Hasović i S.Bačvić-Zečević.

AD 7 Dž. Kahrlica je iznio prijedlog da se i ove godine organizuje ispraćaj penzionera i odobri iznos od 150 KM po osobi. Prema evidenciji članstva i informacije dostavljene od strane službe za ljudske resurse BHRT-a, 8 članova SSR u BHRT-u će u toku 2016 otići u penziju. Uz pojedinačne iznose predviđene za penzionere, potrebno je obezbijediti 100 KM za samu organizaciju ispraćaja u januaru 2017.godine.

UO Sindikata je jednoglasno donio odluku o ispraćaju penzionera/članova sindikata i za izvršenje odluke zadužio Nijaza Žugu, koji će izvještaj o izvršenju odluke podnijeti UO na redovnoj sjednici u januaru.

Izvršni sekretar
SAMOSTALNOG SINDIKATA
RADNIKA U BHRT- u
Elvis Čengiđ

Predsjednik
SAMOSTALNOG SINDIKATA
RADNIKA U BHRT-u
Damir Smital